



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo

GRADSKO VIJEĆE

13/1

A-24

Broj: 01-GV-02-1559/21
Sarajevo, 01.12.2021. godine

PRILIKOV		08-12-2021	
Prilika	Prilika	Prilika	Prilika
13	04	6966	

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na Devetoj sjednici održanoj dana 01.12.2021. godine, donijelo je

ZAKLJUČAK

1. Gradsko vijeće Grada Sarajeva razmatralo je Prijedlog Programa saradnje sa dijasporom utvrđen od strane Komisije za međunarodnu suradnju Gradskog vijeća Grada Sarajeva.
2. Gradsko vijeće Grada Sarajeva odlaže raspravu o Prijedlogu Programa saradnje sa dijasporom i isti upućuje u formi Nacrta, u javnu raspravu u trajanju od 10 dana.
3. Subjekti u javnoj raspravi su klubovi gradskih vijećnika i drugi subjekti koji iskazuju interes.
4. Ovaj Zaključak, čiji sastavni dio je tako utvrđeni Nacrt Programa saradnje sa dijasporom, tokom trajanja javne rasprave, biti će javno dostupan na službenoj internetskoj stranici Grada Sarajeva, putem poveznice istaknute na naslovnoj stranici pod naslovom „Poziv za javnu raspravu o Nacrtu Programa saradnje sa dijasporom”.
5. Primjedbe, prijedlozi i sugestije iznesene u diskusiji na sjednici Gradskog vijeća tretirat će se kao prilog javnoj raspravi.
6. Za provođenje i organizaciju javne rasprave određuje se Komisija za međunarodnu suradnju Grada Sarajeva i gradonačelnica putem nadležne Gradske službe.



PREDSJEDAVAJUĆI GRADSKOG VIJEĆA

Jasmin Ademović





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

PROGRAM SARADNJE SA DIJASPOROM
(Nacrt)

Predlagač:
Komisija za međunarodnu suradnju

Obrađivač:
Stručna služba gradonačelnice Grada Sarajeva

Sarajevo, decembar 2021. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



U skladu sa izmjenama i dopunama Programa rada Gradskog vijeća Grada Sarajeva za 2021. godinu, donesenim na Trećoj sjednici održanoj 30.06.2021. godine, na prijedlog Komisije za međunarodnu saradnju Gradskog vijeća Grada Sarajeva, u poglavlju XVI Saradnja i udruživanje, uvršten je Program saradnje sa dijasporom (prijedlog).

S tim u vezi, u nastavku slijedi prijedlog Programa saradnje sa dijasporom, kojim se kroz spajanje i poboljšanje saradnje između Bosne i Hercegovine i dijaspore može značajno doprinijeti i osnaživanju međunarodne saradnje Grada Sarajeva sa gradovima iz kojih dolazi bh. dijaspora.

Dijaspora je iznimno važan promotor bh. vrijednosti u svijetu, ali i značajan faktor ekonomskog razvoja Bosne i Hercegovine. Dijaspora može doprinijeti razvoju naše zemlje, a najveći potencijal leži u investicijama, razvoju biznisa i poduzetništva, te transferu novih znanja i tehnologija.

Grad Sarajevo ima uspostavljene pobratimske odnose sa 30, a partnerske sa 13 gradova Evrope i svijeta. Pobratimski i partnerski odnosi ozvaničeni su potpisivanjem sporazuma koji omogućavaju pokretanje niza zajedničkih inicijativa i realizaciju konkretnih projekata od obostranog interesa i u korist građana.

U cilju poticanja i osnaživanja saradnje, ne samo sa gradovima sa kojima već imamo uspostavljenu saradnju, nego i sa ostalim gradovima za koje se iskaže obostrani interes za ostvarivanje saradnje u oblastima od zajedničkog interesa, značajnu ulogu ima i dijaspora Bosne i Hercegovine, čiji kapacitet se može iskoristiti za privlačenje investicija, promociju turizma i ostalih potencijala.

S tim u vezi, u nastavku slijedi prijedlog programa saradnje Grada Sarajeva sa dijasporom Bosne i Hercegovine.

PROGRAM SARADNJE SA DIJASPOROM:

- Odrediti nosioce poslova ili posebno tijelo Grada Sarajeva za saradnju sa dijasporom Bosne i Hercegovine;
- Odrediti misiju, viziju i prioritetne ciljeve saradnje sa dijasporom Bosne i Hercegovine;
- Utvrditi aktivnosti na planu unaprjeđenja saradnje sa dijasporom Bosne i Hercegovine;
- Ostvariti kontakt sa Svjetskim savezom dijaspore Bosne i Hercegovine, kao sa krovnom organizacijom čija je uloga uvezivanje i koordinisanje rada bosansko-hercegovačkih udruženja širom svijeta;
- Učestvovanje imenovanog tijela Grada Sarajeva u sastancima Glavnog odbora Svjetskog saveza dijaspore Bosne i Hercegovine;
- Ostvariti kontakt sa udruženjima i organizacijama dijaspore Bosne i Hercegovine u inostranstvu;
- Predlaganje projekata od strane Grada Sarajeva sa nosiocima projekata, rokom realizacije i izvještajima;
- Jačanje privredne, obrazovne, naučne, kulturne i sportske saradnje;
- Povezivanje učenika i studenata iz Sarajeva i dijaspore radi programa razmjene;

- Razvoj poljoprivredne i prehrambene industrije uz pomoć dijaspore;
- Pokretanje start up preduzeća;
- Organizovanje kulturnih i sportskih događaja radi povezivanja dijaspore i građana;
- Organizacija Svjetskog prvenstva dijaspore u malom fudbalu/nogometu/futsalu u kojem učestvuju ozbiljne ekipe iz cijelog svijeta. Radi se o najposjećenijoj manifestaciji koja se svake godine organizuje u drugoj državi;
- Organizacija izložbi, sajmov, festivala;
- Organizacija susreta biznismena, poslovnih žena i mladih dijaspore;
- Organizacija turističke promocije Bosne i Hercegovine i Sarajeva uz pomoć dijaspore Bosne i Hercegovine;
- Organizacija susreta umjetnika i kulturnih radnika, a u cilju očuvanja kulture, kulturnog identiteta i naslijeđa, kroz predstavljanje bosanskohercegovačkih kulturnih stvaraoca (književnost, teatar, film, muzika, slikarstvo, muzejski i arhivski eksponati, itd.) u sredinama gdje imamo značajno iseljništvo;
- Organizacija manifestacije „Dani dijaspore u Sarajevu/Bosni i Hercegovini“ sa određenom tematikom;
- Obilježavanje 20. godišnjice postojanja Svjetskog saveza dijaspore Bosne i Hercegovine 2022. godine;
- Organizacija konferencija, okruglih stolova ili sličnih događaja u cilju promocije turizma i investicionih aspekata;
- Pomoć dijaspori Bosne i Hercegovine u pokretanju poslova (fizička i pravna lica koja žele pokrenuti novi biznis u Gradu Sarajevu ili proširiti postojeći);
- Podrška dijaspore u privlačenju domaćih i stranih investitora (fizička i pravna lica koja žele investirati u BiH);
- U saradnji s dijasporom napraviti projekte gdje će nezaposlene osobe imati priliku da rade neke prakse u firmama u inostranstvu, kako bi stekli radno iskustvo.
- Uvezivanje sa ostalim interesnim grupama (međunarodnim organizacijama, nevladinim organizacijama, diplomatsko-konzularnim predstavništvima, Ministarstvom za ljudska prava i izbjeglice BiH) koje tretiraju bh. dijasporu kroz razvojne projekte i inicijative;
- Osnovati platformu s ciljem uvezivanja pojedinaca, institucija i organizacija sa odgovarajućim akterima u BiH i Gradu Sarajevu;
- Stvaranje mreže sa organizacijama koje se bave povezivanjem dijaspore;
- Planirati sredstva u Budžetu Grada Sarajeva za realizaciju aktivnosti.